

Առաջնորդ՝ Պօղոս վարդապետը թող տայ նոյն գումարները վանի բերդին և ինծի, ամէն տարի, և 100 զրշ, զոր ծախսեցի Մարտիրոս կաթողիկոսին ֆարմանին համար»։ Պօղոս վարդապետ և հայ իշխանները յանձն կ'առնեն այդ գումարները տալ, և Ապտուլլային գրաւոր յայտարարել կու տան՝ թէ այսուհետեւ «ես և Աղթամարի կաթողիկոսը եթէ դաւենք կամ ձեռնամուխ ըլլանք այս վիճակներուն, քալպիս և խաբեբայ պիտի ըլլանք» (2)։

Թէպէտ Սուլթանին ֆերմանը էջմիածնի անունով գրուած է, սակայն այս երկու հոլեւաթները, զորս յիշեցինք, կը գրուին յանուն վարագայ Ս. Նշան վանքին, վասըն զի այն ժամանակ սաստիկ պատերազմ կը մղուէր պարսիկներու և օսմանցիներու միջև, և էջմիածին՝ պարսիկներու իշխանութեան ներքեւ էր, և վանն ու շրջակայքը օսմանցիներու կը պատկանէին։ Այս պատճառաւ վերոյիշեալ կարգադրութիւնը կ'ընէ Յակոբ Զուղայեցի կաթողիկոս, որպէս զի «կարէ թունալի լեզուներն անոնց», որոնք կ'ամբաստանէին էջմիածնի Աթոռը, ըսելով՝ թէ օսմանցիներու երկրէն ինչքեր կը ժողվեն և պարսիկներու երկիրը կը տանին (3)։

Մինչ Յակոբ կաթողիկոս ընդդէմ Աղ-

(2) Աճդ, 94։

(3) Աճդ, 94—95։